

澄城縣志卷七

祠祀 壇廟 寺觀

讀禮祭法知聖王制祭祀凡有功於民者皆然也故社稷爲民生攸賴而山川百神其禦災捍患實與社稷相表裏至歷代賢尹撫字心勞父母孔邇民之不能忘亦固其所若節烈者流尤人心風俗之大坊志之以爲頑懦者勸

社稷壇在城外西北隅明知縣徐效賢申建

風雲雷雨山川壇在縣南郊明知縣徐效賢申建

厲壇在縣北郊

鄉厲壇舊志各里皆有今悉廢

澄城縣志

卷七

祠祀

一

城隍廟在縣西門外唐貞元十三年建宋元豐中邑民飭正殿建廊廡進士李某記失傳金仍舊元初廊廡焚毀惟存正殿至元四年縣尹宋傑重修縣尉劉宏遠記亦失傳明正統七年知縣楊季琦重修宏治中知縣楊泰徐政重修嘉靖戊申知縣徐效賢撤舊而廣之邑貢生石道立記見藝文廟前舊有神樓二座嘉靖中傾其一右者僅存萬曆王午知縣暢孟樂增修爲三樓邑舉人路車記見藝文

國朝乾隆癸未知縣文尚秀率民重修知縣額樂春記

按舊志明洪武初主簿夏安禮改建城隍廟於城內東南隅

縣丞姚宗敬撰記但民情仍依舊廟新廟不久旋廢今之

規模卽徐公所定也

關帝廟舊在縣署明嘉靖中知縣敖佐遷於廢城隍廟地正殿三楹獻殿三楹天啟五年知縣毛丹鳳重修擴正殿爲五楹獻殿七楹廊廡東西各九楹寢室五楹旁屋三楹鐘鼓樓各一二門三楹門坊一座舉人路世美記見藝文

國朝乾隆三十三年

知縣

額樂春重修於廟東北創建啟聖祠

三楹門房一楹東西室各三楹兩廡五楹南下磚窑二孔兩旁設轅門南兩偏各建樂樓一左右各建角門邑人張作肅記見藝文

夏伯成子高廟一在縣東南十五里神後村前高阜一在縣東十里西夏村東廟後高塚卽其墓也

秦武安君廟一在將軍山巔一在縣北武安村

澄城縣志

卷七

祠祀

一一

漢文帝廟在縣東南西觀村舊志云文帝自代州往長安駐蹕於此

漢武帝廟一在武帝山一在搆鎗泉上

後周伏龍神廟在縣南五十里舊志周保定四年因神之名始置伏龍府實武衛兵舍之所古碑斷缺文字難究惟曰有龍始見於南而北伏於此威福一方凡所祈禱應驗如響故鄉民歸事之宋皇祐六年重修語在將仕郎試秘書省校書郎守耀州司戶參軍雷章碑見藝文

唐魏鄭公祠縣南門外偏西南向先是繪公像於縣學門廡東壁宋宣和癸卯知縣張綱始立祠於縣西郊自爲記金承安三年縣令艾元老徙今所正堂三間中肖公像及五世孫

暮執笏侍立於左東西廊廡十間門一所同州教授孫鎮記見藝文元至正七年縣令竇本重修邑人傅良弼記今失國朝順治六年知縣姚欽明重修邑人權時昌記康熙十七年知縣夏疇重修邵陽舉人康乃心記見藝文乾隆四十四年知縣戴治奉巡撫檄增修正堂三間獻殿三間兩旁窰各一孔歌舞樓一座角門兩所繚以周垣捐置地三十七畝五分戴治自記一在縣北砲落村祠五楹今廢唐縣令鄭公祠在魏鄭公祠西貞元十一年建有唐集賢殿學士陳京記見藝文

宋岱嶽廟一在寺前鎮舊志宋政和中建崇寧二年立碑見藝文

澄城縣志

卷七

祠祀

三

金岱嶽廟在北郭門外金大定二十七年知觀道士呂居仁重修鄉貢進士宗有記見藝文

國朝順治四年知縣姚欽明重修

金縣尉趙公祠在岱嶽廟內金大定十一年建有德政碑誤人名闕祠今廢碑見藝文

金主簿李公祠在魏鄭公祠內大定二十三年建韓城進士王山甫撰去思碑立祠南門外今祠廢碑見藝文

金縣令艾公祠在魏鄭公祠東承安四年建有同州教授孫鎮遺愛碑祠今廢碑見藝文

明知縣楊公祠在魏鄭公祠迤南東向正統十一年建有教諭敘南李懿政績記見藝文祠今廢

明延恩祠潼關兵備道張公禴祠也在預備倉之東北向正  
德八年知縣韓齊建祠三楹中肖公像旁肖指揮張潛關健  
侍立知縣河東劉一中記見藝文

明追思祠知縣徐公效賢也在預備倉門西北向嘉靖二十  
九年知縣敖佐奉檄建南京戶部員外吳橋李懿記見藝文  
祠今廢

明知縣史公祠在西門外文昌廟東有去思碑今失

明知縣王公生祠在縣治門左有生祠碑今失

明忠烈祠主簿李可受生員党嘉琚韓繼武宋捷報杜其意  
王之章也崇貞七年混天星破城主簿蹈火嘉琚手刃妻妾  
自刎繼武以給諫子爲賊所推戴罵賊被刺其餘皆罵賊不

澄城縣志

卷七

祠祀

四

屈死知縣傅應鳳申請奉檄立祠於文昌祠左傅自爲記未  
闡死難生員党振纓景運輶附寄

國朝知縣姚公生祠在縣治前左西向祠三楹有坊蒲城庶  
吉士常若柱撰記見藝文邑貢生杜房舉人路世美有姚公  
循良善政及申除荒糧碑記見藝文

唐姚烈女祠在縣北定國村

金師節婦祠在縣南雷莊村元以前典祀今祠祀俱廢

明李節婦祠在縣北郭家莊奉勅建祠因值鼎革未就

玉皇閣在北郭門外迤西崇壽宮後

后土廟在北郭門外迤西

韓山奕應侯廟一在南郭門外東南知縣姚欽明重修一在

北郭村

浮澤帝廟一在縣西義合村一在縣南雷莊村

商山神廟在縣北三十里舊志世傳村東有河引水成潭中有巨蛇時出傷殘行人幾斷神盪除之一方獲安因立廟祀之凡民間瘡痍多禱焉邑進士許英並貢生杜芊俱有記今失

文昌祠在崇壽宮右明洪武二十一年重修前鄉進士楊建中記萬曆四十八年知縣姚祚昌改移西關故文廟所天啟間知縣毛丹鳳加春秋二祭

國朝順治五年知縣姚欽明重修雍正四年知縣張雲鶚別建祠於文廟之左乾隆四十七年知縣戴治以祠卑陋與教

澄城縣志

卷七

祠祀

五

諭楊伯魯訓導王遴及合縣士民捐貲建樓閣道光二十一年知縣張籛勸邑人連江重修玉泉書院以祠在書院後並改修視昔更崇閎壯觀矣

奎星樓在城上巽方乾隆四十七年改移

龍王廟一在縣東郭外一在縣西南湫頭東岸其地洛水經焉兩厓石壁水自高岸奔下狀如瀑布下有潭洞然深黑常有雲氣能致雨明正統中知縣楊季琦禱雨有感樹碑廟中教諭敘南李康記

風伯廟在縣北風洞前每烈風作官具牲醴祭之風隨息明宏治中知縣楊泰重修

八蜡廟在雷莊村

三孃子廟在陰泉之上

天王神祠在城西北樓順治六年知縣王用傑記見藝文  
眞武神祠在城北順治六年知縣王用傑記見藝文

精進寺東郭外迤南唐肅宗時建浮圖九級

國朝順治中邑貢生杜芊有重修記道光二十九年知縣金  
玉麟率里民重修前後佛殿邑拔貢楊靖邦記

普濟寺在金沙谷上其下有佛圖澄洗腸泉禱雨輒應土人  
創祠泉上名靈泉寺宋大觀丁亥馮翊久不雪太守郭賢遣  
使運泉供事之翼日瑞雪應期歲乃大熟太守奏其事於朝  
天子嘉賞大觀戊子四月錫師以眞顯法師之號己丑又勅  
賜普濟之名政和壬辰道人曹行儉作記地頗清幽騷人韻

澄城縣志

卷七

祠祀

六

士歲時遊歷吟咏日富邑舉人張廷用有鐫詩記

國朝道光中知縣張籛建滌清亭三楹以爲遊憩之所自爲  
記見藝文

治平寺卽隋文帝避暑宮改後旋廢

普化寺在縣南振基村宋熙寧間賜額

聖壽寺在縣西十二曲宋熙寧間賜額一在歸安村

至德寺在縣南伏龍村宋大觀間賜額

興國寺在縣南白龍村隋文帝勅建

壽聖寺在縣南棘茨村宋熙寧間賜額

昭福寺在縣北太平村唐建宋金元重修

大愍寺在縣西高槐村金大定間重修

清涼寺在縣東段家河金大定間重修

迴鑾寺在縣南景家河隋文避暑迴鑾于此駐蹕

暉福寺在縣北北寺村魏太和十二年建

甯國寺在縣北馬店村唐建

雲封寺在縣北平訓村

大雲寺在縣南寺頭鎮

肅宗寺在縣西北王莊鎮

永興寺在縣西北永內村

青蓮寺在縣西董家河明通判路從廣施地建

善化寺在王家河

容相寺在董家河金大定二十年建

澄城縣志

卷七

祠祀

七

青龍禪院在縣西北四十里洛水之陽

清涼禪院在縣西段莊村南元泰定三年重修明宏治四年

又修進士許英記

大明禪院在縣東北門村東河西岸宋延祐間重修熙甯間

賜額羅漢洞卽在院內其洞之磚五七各成磊不似人功所

爲者

大悲禪院在縣南中社村金大定壬申創建

存留院在縣東南西觀村金大定二年重修

存留院今爲午西寺  
寺額爲明董文敏書

廣濟院在縣南南社村金明昌間建

觀音院在縣東撲地河元至治元年重修一在縣文廟正南

順治五年知縣姚欽明因生員路從序舊建一楹闢之爲祈

嗣地

白衣堂在縣南郭外迤西明崇貞間舉人路世龍倡建

慧光洞在普濟寺東崖古名金沙谷相傳爲石勒時神僧佛圖澄卓錫地因祀之宋政和中道人曹行儉有記明嘉靖甲辰寺僧常理法孫崇德始卽寺內河東崖磚甃此洞肖佛圖澄像祀之

碧潭洞在撲地河

雷神洞在縣南窰底村

三清洞在和家莊

崇壽宮在北郭門外迤西唐建道會司在焉

玉泉觀在玉泉之上盤山和楊子李君棲真之所碧水環流

澄城縣志

卷七

祠祀

八

芹香縹緲羣峰若拱溪山之勝概也延祐乙卯其徒純靜大師王永謙重修陝西諸道行御史臺監察御史彭衙潘汝劫記明嘉靖己亥道人李教真修葺

白雲觀在三孃子川

吉祥院在縣西南蘭莊河

修真觀在縣東南二十里殿宇清幽林木蒼蔚相傳漢武求仙東遊梁山棲息於此代有修葺明宏治中居民李泰重修元明觀在縣北匱谷村宋建

瑞雲觀在縣北遮路村金明昌間重修

聚仙觀在縣西南蔡家河

三官殿在崇壽宮左西向金大定五年重修中山劉穡記